

VIAK

Bergen, 19. mars 1985

LITRAKUTTAK  
REGULERING

00932 120185

Arkiv nr. 504

260.1610

Framlegg til:

REGULERINGSFØRESEGNER VEDKOMANDE REGULERINGSPLAN FOR  
KOLAS III, LINDÅS KOMMUNE:

GENERELT

LITRAKUTTAK  
REGULERING

02550 201285

Arkiv nr. 504

§ 1

Det regulerte området som er synt på planen er nytta til:

- A: Byggjeområde for busetnad (inkl. fellesanlegg og interne fellesareal).
- B: Byggjeområde for næringsføremål.
- C: Byggjeområde for offentlege føremål.
- D: Trafikkområde.
- E: Friområde.

A. BYGGJEOMRÅDE FOR BUSETNAD.

§ 2

Areala skal byggjast ut med bustadhus med tilhøyrande garasjer og parkeringsplassar.

Område B1 - B3 og A1 - A2 skal byggjast ut med kjedehus eller atriumshus. Resten av bustadarealet skal byggjast ut med frittliggjande einebustader.

§ 3

Utnyttning av lokale til anna enn bustadføremål skal godkjennast av bygningsrådet.

§ 4

Vertikaldelte tomannsbustader tillet ein på tomter som naturleg let seg dela i to parasellar, eller i tomtegrensa der dette høver.

**VIAK**

Bygningsrådet kan visa slik bygging til tomter som etter bygningsrådet si meining høver for denne bustadtypen.

§ 5

Bustadene kan berre oppførast i 1 høgd.

§ 6

Bygningar skal plasserast innanfor dei regulerte byggelinene.

§ 7

Kvar frittliggjande einebustad skal ha plass for minst 1 garasje, og i tillegg til denne 1 biloppstillingsplass på eigen grunn.

§ 8

For bustader som ikkje har biloppstillingsplass på eiga tomt, skal det opparbeidast 0,25 gjesteparkeringsplass pr. bustad, i samband med felles garasje og parkeringsanlegg.

§ 9

For grupper av bustader som vert førde opp under eitt, skal det utarbeidast ein felles plan for opparbeiding av terreng og fellesareal.

§ 10

Gjerde mot veg skal setjast opp med maks høgd på 80 cm. Gjerde må ikkje setjast opp i frisiktsona. Murar og gjerde skal vera minst mogeleg skjemmande. Eventuell markering av grensa mot nabo skal helst gjerast med planting. Eventuelt gjerde skal ikkje vera høgare enn 80 cm.

**VIAK**

§ 11

Bygningsrådet kan krevja at bygningar som høyrer saman i ei gruppe skal ha harmonerande fargesetting og takform, samt minst mogeleg skjemmande plassering av T.V.-antenner og tørkestativ.

B. BYGGJEOMRÅDE FOR NÆRINGSFØREMÅL.

§ 12

I området vert det ikkje tillatt ført opp bygningar for verksemder som etter bygningsrådet sitt skjøn vil vera til vesentleg ulempe for kringliggjande bustadområde med omsyn til støy og andre forureiningar ved produksjon og trafikk.

§ 13

Brann- og eksplosjonsfarlege verksemder vert ikkje tillatt etablert i området.

§ 14

Anlegga skal i kvart einskild tilfelle godkjennast av bygningsrådet. Verksemder som vil føra med seg ulempar, kan bygningsrådet visa til industristrøk.

§ 15

Bygningar for forretningar/næringsverksemder kan oppførast i to høgder.

§ 16

Bustader kan tillatast i 2. høgda i bygningar for forretningar/næringsverksemder.

§ 17

Bygningsrådet kan krevja utarbeidd detaljert utbyggingsplan for heile arealet eller ein naturleg del av dette.

**VIAK**

§ 18

All av- og pålessing skal skje på eigen grunn. Etter bygningsrådet sitt skjøn kan ein påby den einskilde verksemد å arbeida opp tilstrekkelege parkeringsplassar innan området. Som hovudregel gjeld det at det skal vera 1 parkeringsplass for kvar  $50\text{ m}^2$  forretnings-, næringsverksemds- eller kontorareal, pluss 30% for dei tilsette.

§ 19

Utnyttingsgraden skal ikkje overstiga 0,35, heile området sett under eitt.

C. BYGGJEOMRÅDE FOR OFFENTLEG FØREMÅL

§ 20

Areala skal nyttast til aldersheim, sjukeheim og barnehage. Bygg vert tillatt oppført i ei høgd med høve til underetasje der terrenget ligg til rette for det.

§ 21

Bygningsrådet kan krevja at bygningane skal liggja harmonisk i terrenget.

§ 22

Utsjånaden og arta av anlegga skal i kvart ein skild høve godkjennast av bygningsrådet, likeeins avkøyringar, parkering, terregnbehandling, planting, innhegning o.l.

D. TRAFIKKOMRÅDE

§ 23

Gangvegane er laga køyrbare, med dei skal ikkje nyttast til bilkjøyring, anna enn i spesielle høve, som til dømes sjuketransport, brannutrykking, flytting, tyngre varetransport og for vedlikehaldet.

**VIAK**

F. FRIOMRÅDE

§ 24

Leikeplassar og friområde skal opparbeidast etter ein samla plan, godkjent av bygningsrådet.

§ 25

Ballbane kan plasserast i friområde, likeeins bygg som er naturleg knytta til utnyttinga av friområda F1 og F2.

FELLESFØRESEGNER

§ 26

Eksisterande steingardar og tre innafor området skal bevarast mest mogeleg.

§ 27

Ved sida av desse reguleringsføreseggnene gjeld bygningslova, kommunen sine vedtekter til denne lova og departementet sine byggjeføreskrifter.

§ 28

Etter at desse føreseggnene er gjort gjeldane, er det ikkje høve til ved privat servitutt å oppretta tilhøve som strir mot føreseggnene.

§ 29

Innafor ramma av bygningslova, kommunen sine vedtekter til denne og departementet sine byggjeforeskrifter, kan bygningsrådet gjera unntak frå desse føreseggnene i høve der særlege grunnar taler for det.



Lindås Kommune

Jostein Vike

Stølfest. 19/9-85 —

Gunnar